



Polisi Codi Tâl

1. Cyflwyniad

1.1 Mae addysg yn ystod oriau ysgol yn rhad ac am ddim. Nid ydym yn codi tâl am unrhyw weithgarwch a wneir fel rhan o'r Cwricwlwm Cenedlaethol ac eithrio gwersi cerddoriaeth unigol neu grŵp.

1.2 Yn gyffredinol mae'r ysgol yn gallu adhawlio TAW, ond nid yw hyn bob amser yn wir am weithgareddau allgyrsiol - a chaiff hyn ei adlewyrchu yng nghost ychwanegol rhai pethau.

2. Cyfraniadau gwirfoddol

2.1 Wrth drefnu tripiâu neu ymweliadau ysgol sydd yn cyfoethogi'r cwricwlwm a phrofiad addysgol y plant, mae'r ysgol yn gwahodd rhieni i gyfrannu tuag at gost trip. Mae pob cyfraniad yn wirfoddol. Os na dderbyniwn ddigon o gyfraniadau gwirfoddol gallwn ganslo trip. Os yw trip yn cael ei gynnal gall gynnwys plant nad yw eu rhieni wedi cyfrannu ac ni fyddwn yn trin y plant hyn yn wahanol i unrhyw blant eraill.

2.2 Os yw rhiant eisiau i'w plentyn gymryd rhan mewn trip neu ddigwyddiad ysgol sydd o fewn cwmplas y Cwricwlwm Cenedlaethol, ond yn amharod neu'n methu gwneud cyfraniad gwirfoddol, yr ydym yn caniatáu i'r plentyn gymryd rhan llawn yn y trip neu'r gweithgarwch (ac eithrio gweithgareddau preswyl). Mewn achosion o'r fath byddem yn gofyn i'r rhieni hysbysu'r Ysgol ar y cyfle cynharaf posibl er mwyn rhoi amser i chwilio am gyllid o ffynhonnell arall. Weithiau mae'r ysgol yn talu costau ychwanegol er mwyn cefnogi'r ymweliad. Efallai y cynhelir gweithgareddau codi arian hefyd neu efallai y gofynnir i'r GRhA am arian. Mae gan rieni hawl i wybod sut y caiff pob trip ei gyllido. Mae'r ysgol yn rhoi'r wybodaeth hon pan ofynnir am hynny. Mater i'r Pennaeth yw'r holl benderfyniadau uchod.

2.3 Mae'r canlynol yn rhestr o weithgareddau ychwanegol a drefnir gan yr ysgol, sydd yn galw am gyfraniadau gwirfoddol gan rieni. Gelwir y gweithgareddau hyn yn 'ychwanegiadau dewisol'. Nid yw'r rhestr yn gyflawn:

- ymweliadau i amgueddfeydd, theatrau, safleoedd hanesyddol etc.

- gweithgareddau chwaraeon gyda chostau cludiant
- gweithgareddau antur awyr agored
- digwyddiadau cerddorol

2.4 Byddwn yn hysbysu'r rhieni ar y cyfle cynharaf posibl ynghylch gweithgareddau lle mae cyfraniadau gwirfoddol yn angenrheidiol

2.5 Efallai y gofynnir i rieni ddarparu rhai eitemau neilltuol fel bod eu plant yn gallu cymryd rhan mewn gweithgareddau neilltuol

2.6 Fel rheol mae ffyrdd o rannu taliadau dros gyfnod o amser – gall y rhai sydd eisiau gwneud hynny gysylltu â swyddfa'r Ysgol

3. Ymweliadau Preswyl

3.1 Mae'r ysgol yn trefnu ymweliadau preswyl yn ystod amser ysgol neu'n bennaf yn ystod amser ysgol, er mwyn darparu addysg sydd yn uniongyrchol berthynol i'r Cwricwlwm Cenedlaethol. Byddwn yn codi tâl am gostau llety a bwyd. Mae costau teithio ac ymweliadau eraill yn cael eu trin dan Gyfraniadau Gwirfoddol.

4. Gwersi Cerddoriaeth

4.1 Mae pob plentyn yn astudio cerddoriaeth fel rhan o gwricwlwm arferol yr ysgol. Nid ydym yn codi tâl am hyn.

4.2 Codir tâl am hyfforddiant cerddoriaeth unigol neu grŵp os nad yw hyn yn rhan o'r Cwricwlwm Cenedlaethol. Mae'r athrawon cerddoriaeth deithiol yn rhoi gwersi i unigolion neu i grwpiau bach. Bydd tâl am y gwersi hyn.

5. Nofio

5.1 Mae'r ysgol yn trefnu gwersi nofio i bob plentyn ar ryw gyfnod yn ystod ei amser yn yr ysgol. Bydd y rhain yn digwydd yn ystod oriau ysgol ac maent yn rhan o'r Cwricwlwm Cenedlaethol. Ni fyddwn yn codi tâl am y gweithgaredd hwn.

6. Gweithgareddau allan o oriau ysgol

6.1 O dro i dro gall yr ysgol gynnig gweithgareddau ychwanegol fel chwaraeon, yr Urdd, Clybiau Mathemateg, Gwyddoniaeth a Darllen. Y staff sydd yn rhedeg ac yn trefnu'r sesiynau hyn - weithiau gyda help pobl o'r tu allan i'r ysgol. Byddwn yn codi tâl bychan am y sesiynau hyn i dalu'r costau.

6.2 Gall rhai gweithgareddau ddigwydd ar adegau sydd yn digwydd cyd-daro gyda chychwyn neu ddiwedd y diwrnod ysgol ac mae gan y Pennaeth yr hawl i benderfynu a ddylid codi tâl amdanynt ai peidio.

6.3 O dro i dro gellir cynnal cyngerddau gydag elfen o godi arian ynghlwm wrthynt. Mater i'r Pennaeth yw penderfynu a ddylid codi tâl am ddigwyddiad o'r fath.

7. Codi Tâl (yn gyffredinol)

7.1 Caiff pob tâl am unrhyw weithgarwch ei gyfrifo'n unigol yn erbyn y gweithgarwch a'r cyllid angenrheidiol. Bydd y tâl yn cynnwys costau cludiant, prydau bwyd, amser staff, yswiriant, cyflenwi a gwasanaeth yn berthynol i'r gweithgarwch.

7.2 Mae incwm ac arian codi tâl yr ysgol yn rhan o weithdrefnau archwilio'r AALL i sicrhau cywirdeb ac atebolrwydd

7.3 Mater i'r Pennaeth yw penderfynu ar gymorth ariannol i ddisgyblion unigol

7.4 Mae unrhyw gyfeiriad uchod at 'Y Pennaeth' i gynnwys y Dirprwy Bennaeth ar adegau ac mewn amgylchiadau sydd yn ei gwneud yn ofynnol i'r person hwnnw gymryd drosodd rôl a chyfrifoldebau'r Pennaeth.